



Lectori.

*Quæ circa finem superioris Seculi primum
prodiit Pharnacopœa Holmiensis, nunc
demum, editione ad hodiernam praxin
emendatiore atque ad circumferendum
aptiore, recuditur; ut et obediatur jussui
Regis Sapientissimi et fiat satis desiderio
Nostratum.*

*Nec dubium fore arbitramur, quin hæc
ipsa editio fini, quem Collegium Regium
Medicum sibi habuit propositum, sit adcom-
modata; præparatio quippe Medicamentorum,
ubique sibi similis, ubique uniformis, eo tendit,
ut ipsa hæc ars per totum Regnum sibi constet.*

tutiusque exerceatur; præsertim quum Collegio id imprimis cura fuit, ne plura permixta hic enumerentur, quam quæ publicæ necessitati respondeant, suaque puritate, quam ars nostra cum reliquis præsentis sæculi communem habet, se commendent.

Quod si unum alterumve huic titulo non respondeat, id vulgi opinioni omnino acceptum ferendum, cui suum quoque competit jus, sed quod simul speramus, paulatim antiquatum iri.

Id vero ignorari non oportet, collata nomina eorum, quæ non absque prægnante ratione novata voluit Collegium, in Indice esse exhibita; opiatorum tamen veteres doses in omnibus esse servatas, ut in re tanti momenti omne errandi abesset periculum.

Religioni de cetero sibi duxit Collegium ab ullius, nisi nostratis immo totius orbis in Scientia Botanica Præceptoris auctoritate, in

Leetori.

denominatione Specierum pendere ; nec reticendum arbitramur, quosdam e Regii Collegii Membris Artisque Pharmaceutica Cultoribus, Præsidi ac Salubris Consilii Nostri Assessoribus, sociam laudeque dignissimam commodavisse operam.

De ponderibus hic usitatis sciri volumus ; in LIBRA pondus Unciarum duodecim esse, seu 7416 Asses troicas ; in UNCIA Drachmas octo ; in DRACHMA Scrupulos tres ; in SCRUPULO Grana viginti. GRANUM autem pondere fere æquale est Assi aurifabrorum et Assi troicæ $1\frac{1}{2}\frac{1}{10}\frac{1}{10}$ respondet.

Hæc pondera liquidorum portionibus æque ac solidorum determinandis inserviunt ; Aqua vero pura communiter mensurari solet vase idonea, quod ita factum esse debet, ut libra et Uncia, pondere respondeant dictis Libræ Medicæ divisionibus. CONGIUS autem liquidorum, Libris octo pondere æqualis est.